

LE
JOURNAL
POETIQUE
DE LA GUERRE
PARISIENNE.

DEDIE'

Aux Conseruateurs du Roy, des Loix,
& de la Patrie.

Par M. Q. d. FORT-LYS.



A PARIS,

M. DC. XLIX.

1763

TO VISIT

PORT OF

DE LA GUERRA

PARISIENNE

PARIS

PARIS

PARIS


PARIS

PARIS

PARIS

PARIS

PARIS



L E
I O V R N A L
 P O E T I Q V E
 D E L A G V E R R E
P A R I S I E N N E.

LE Ciel estoit serain ; mais tout à coup les vents
 Broüillerent le cristal du pur des Elemens,
 Dés l'abort que le Roy quitta son domicile:
 D'en dire le sujet , il n'est que trop facile.
 L'ignorance regnoit parmy les factieux,
 Et on ne voyoit rien que leurs faits vicieux,
 Ils croyoient d'un Paris establir vne Banque,
 Mais ils ont veu à clair qu'icy leur foy leur manque.
 Celuy qui dans ce lieu disoit, j'ay grand credit
 S'est bien veu repousser, & sans nul contredit
 A rebouché chemin, croyant que la campagne
 Luy seruiroit beaucoup mieux qu'un cheual d'Espagne,
 Et qu'il est impossible en formant un danger
 De souffrir près de nous un Finet Estranger.

Qui attrapoit l'argent de nos genereux Princes,
 Et qui seul deuoroit nos plus belles Prouinces?
 Qui dominoit sur tout le ieune esprit du Roy,
 Qu'il estoit son Azile; Hé grand Dieu! Qui le croy?
 Qu'il estoit le tymon du repos de la France,
 Qu'il tenoit enfermé dans sa main la Balance,
 Que son esprit subtil destournoit les desseins,
 Et qu'apres son conseil on n'en viendroit aux mains.
 Qu'il dompteroit bien tost la superbe arrogance
 D'un Paris soustenu des loix de la prudence.
 Enfin nous le voyons condamné desormais
 De quitter nostre France & n'y venir iamais.

Ce fut durant la nuict qui commençoit le iour
 Des Roys, que nostre Roy delassa ce sejour,
 Non de sa volonté; mais bien plustost par force,
 Ou du moins par l'appas d'une subtile amorce;
 Luy mettant dans l'esprit que les Parisiens
 Le vouloient mal traiter, sans espargner les siens,
 Et qu'il estoit besoin pour sauuer sa personne
 De quitter son Paris. Aussi tost le Ciel tonné;
 Et d'un vent tout à fait rude & impetueux,
 Nous faisoit assez voir qu'un Roy m'iestueux
 N'estoit plus parmy nous; & qu'un conseil barbare
 Nous auoit enleué un si precieux Phare.

Le iour n'eust pas si tost paru sur l'horison:
 Que les Parisiens sont saisis d'un frisson,
 Vne Panique peur s'empara de leurs ames
 Qui finit tout à coup, pour faire place aux flammés
 De leur iuste courroux: Puis tout soudain l'on oyt
 Un murmure plaintif que le peuple faisoit,

En

En disant ; Quoy faut-il nous traiter de la sorte ?
 Et l'autre demandoit par où, par quelle porte
 Ce Roy donné du Ciel pouuoit estre sorty
 En maudissant l'auteur d'un si fascheux party.
 Les femmes demandoient, Qu'est-ce qu'on nous demande ?
 Nos fideles maris, payeront-ils l'amande
 Quoy nous faut-il mourir pour vn rouge Estranger ?
 Quoy faut-il que son ieu forme nostre danger ?
 Que son cœur orgueilleux enfanté de l'enuie
 Rampe parmy ces lieux pour nous oster la vie ?
 Non, non, il faut purger Paris des vicieux,
 Et nous appaiserons la colere des Cieux.

Lors la seconde nuit commença & le vent
 Fit beaucoup plus de bruit qu'il n'auoit fait deuant,
 Chacun s'en va coucher horsmis quelques gens d'armes,
 Qui avec Diane veillent deffous les armes,
 L'on entend bien crier ; demeure, qui va là,
 Corporal, hors de garde ; i'ay veu cy, où cela,
 Vn blesme Cauallier c'est monstré à ma face,
 Qui vous voyant venir m'a delaisfé la place.

Cecy causa vn cry ; arme, arme compagnons,
 Et ie vis naistre alors beaucoup de champignons,
 Que l'on croyoit pourris au centre de la terre,
 Et qui ne demandoient qu'à soustenir la guerre.
 Dés lors le Parlement se couurant du bonnet
 Qui sçait punir le crime & rendre le franc net,
 Quoy qu'il soit oppressé. Si les Cieux sont pour nous,
 Nous luy deuons ployer maintenant les genoux.
 Non ce n'est pas au Ciel, c'est vne creature,
 Puis qu'il porte sur foy de l'homme la figure.

Et il est tres-certain que tous nos enuieux
Changeront de Climat esperant d'estre mieux.

Ce bruit estoit passé & on se reposoit,
On croyoit estre en paix; mais le tocxin sonnoit,
Vne legere peur espouuanta les femmes
Qui disoient, mon mary, n'estaindez point mes flammes,
Ne me laissez pas veufue; ie sçay bien que la guerre
Rend le fort & puissant aussi fresse qu'un verre:
Qu'il est bien mal ayse dans ces occasions
De vaincre sans former de belles actions.

L'Arcenal peu fourny des foudres de la guerre,
Voyant son Gouverneur ramper en autre terre,
Et qu'il ne pouuoit pas resister à l'effort
De nos Parisiens se rendit à l'abord.
On trouua dans ce lieu diuerses Couleurines
Sciées & encloüées; & dessus les Courtines
Quelque petits canons, ou pieces de campagne
Que le grand Duc du Maine enuoya d'Allemagne.

Pour des fusts de canon on en trouua assez,
Et beaucoup de boulets qui sont dans les fossez,
Que l'on pourra auoir apres que la purée
De Bourgongne sera dans la mer emmurée;
Bref, ce fut vn beau coup qui affermit ces lieux,
Et qui fit vn affront au Finet orgueilleux.

Voicy vn autre bruiet qui nous vint allarmer,
Et qui fit nos Bourgeois en vn moment armer;
L'on disoit, les Fauxbourgs sont desia mis en cendres,
Et le lait nourricier des enfans ieunes & tendres,
Des meres, qui craignoient de les faire pâtir,
Ce transmuoit en eau, les faisant compâtir

D'un mal qui ne pouuoit dessus leur innocence
 Rencontrer vn sujet que pour leur allegeance.
 Quelques vnes disoient laissons les tous perir,
 Et les autres pleurant, nous aymons mieux mourir
 Que de voir nostre fruiët fort de nos entrailles,
 Entre les lasches mains d'un million de canailles,
 Qui succottent sans fin le pur de nostre sang.

Hé ! grand Dieu qu'est cecy, quel effroyable estang ?
 Seine vous n'estes plus vne douce Riuiere,
 La Marne vous fait tort vous rendant Mer entiere,
 La Loire mesmement, afin de vous troubler
 A fait ses blanches eaux à ce coup redoubler;
 Ce qui ne se faisoit qu'au cours de neuf années,
 S'est parfait dans le temps de quatre matinées:
 Et bien que l'on craignist quelque accident de feu
 Vne peur faisoit le monde peu à peu,
 Qui regardant les flots s'esleuer de la sorte,
 Et entrer aux maisons sans en ouurir la porte,
 Disoient, On nous à fait icy vn mauuais tour ?
 Mais cela n'empeschoit que le son du tambour
 Ne bruyast fortement, & que parmy la rue
 On ne se resioüit de la noble venue
 Du Prince de Conty, & d'autres grand Seigneurs,
 Dont leurs faits & vertus ie toucheray ailleurs.

Enfin l'accroist des eaux causa vn grand dommage;
 Des Chantiers tous entiers se sauuerent à la nage;
 Quelques-vns se noyans, mesme deux ponts de bois
 Escraferent le dos de la Seine à la fois.
 Maint Palais Poissonneux en ruine furent mis
 Sans se pouuoir deffendre contre leurs ennemis,

Les moulins mesmement ne sceurent esuiter
Ce malheur; qu'on ne peut qu'à peine reciter.

L'on somme en mesme temps la fameuse Bastille
De par le Parlement & des Messieurs de Ville:
Du Tremblay rend les clefs, on crie viue le Roy,
Et le peuple aussi-tost appaise son esmoy;
On leue des Soldats pour la Cauallerie,
Et pour former des corps de bonne Infanterie.
Nous auons de bons chefs qui meneront prudents
Cette guerre si bien, que tous les imprudents
Ennemis de l'Estat se trouueront confus,
Ne pouuant dessus nous emporter le dessus.
C'est ce que ie te donne estimant ton merite:
Reçois-le, cher Lecteur, en attendant la suite.